

# 消愁集

海昌蔣俾蕊女史著

詞四卷附詩二十九首

女史為真華先生女孫盥廬更寧之從姊  
詞風雅吐屬清華詩筆詞曲與史部太守  
近作咸取真率陶情之旨亦可忘已



消  
燧  
隼

謚愚姪倪祖勳署



光緒  
丁未  
燧  
日  
開  
隼

消愁集序

自來女子能訪史不悅書而工倚聲者卒數以吾邑而論在宋則幽棲居士有斷腸詞一卷在國朝則湘蘋夫人有拙政園詩餘三卷他若朱靜庵李令生鍾眉令葛南有輩或五六闋或三四闋或一二闋類皆附訪以傳未有裒然成集者甚矣其難也吾同高祖女弟翰香酷嗜按拍惜不永年予輩張吟梅主政為刊梅笥留譜一卷予與較讎之役今同祖如先仙蕊漫出消愁集乙卷屬為甄擇余受而讀之小令近南唐後主長調抑揚婉轉奄有淇涇白

石之長典翰香不相上之宮歎自  
南宋迄 國朝五百餘年吾邑閩  
閩工詞者僅得二人今十數年尚  
二人矧漫萃於一家何其盛歟或  
謂吾蔣氏自竹山翁後代有詞人至  
先祖夢華公尤著黃河遠上唱  
遍旗亭宜後之人耳濡目染雖穢  
弱女子亦解操旂鼓以典祀壇角獲  
也仙蕊初工詩洎歸郭沈子方司  
馬樂亭唱隨所詣益進子方輝迨  
山遂廢吟咏有所感觸輒借長短  
句以寫之調高鄉音必傳無物不  
勸付離以垂不朽哲嗣粹甫頌音  
兩甥皆克承母志甘旨之外惟日

以謀壽索梨為急又孝之不可  
及者也余故樂而為之序  
光緒二十五年歲次己亥秋九月  
弟學堅書於梅溪客舍

題辭

古昔論坤教，芳多箴敬。姜才藻亦  
韻，李道韞傳芳。芳降而為倚聲，  
闈閩鮮專長。雙山有賢媛，早歲工  
詩章。繼以長短句，寫空境。蒼涼結  
調，務婉曲。按拍協子商，清溪並白石。  
與古相類，頗合子夏卓犖待詔在。  
玉堂詞華，繼懿嫵修。手擅岐黃家  
法，尤循守。手著巫夔，闡揚轉瞬。付梨  
棗，穠逸盈縹緗。風雅垂不朽，永  
為閩里光。

海鹽朱雨壽

跋  
卷之三  
目錄  
三  
婦  
三  
三

粹甫賢甥出示家僊蕊姊所著詞  
稿所自清詞不減漱玉其音津出  
齟齬思致之縣密翕者唐宋名家  
風格玉田翁顛弁陽老人絕妙  
詞塔氣烘心珠炎出滾二語請以  
移贈吾家自夢半公提倡風正群

從叨以詆詞名所製度雪齋與先  
大夫近水閣止隔一水芍藥盛開  
昔羽至數十種予方姊文曾招飲  
筭間嫂燈油薰極丈映觴詠之盛  
忽忽卅季予方墓木已拱藥關荒  
廢率躡藪語不勝今管出感云尤  
緒庚子春三月弟廷黻謹跋

消愁集卷上

海昌郭沈蔣英仙蕊著

望海潮

登東山

男

臨

謹

校

圖

章

不懷尚

書

層巒浮翠清溪漾碧東山形勝天然蘭舫暫停籃輿直  
上安排半日流連孤塔碧霄穿聽鈴聲風戛筒筒輕圓  
四面雕欄淡妝濃抹夕陽殷 盤迴更上峯巔望市廛  
鱗比舟楫蟬聯丹井品泉書臺覽古 山上有葛稚川煉  
臺諸 丹井顧逋翁讀書  
名勝頻番身入寒煙林木遠黏天看蒼松挺秀紅葉爭  
消愁集 卷上 一

妍歸去圖將好景懸我畫樓前

踏莎行

賞菊

丹桂香殘碧梧陰老菊花開候重陽到秋光滿路正芳  
菲采香行過南山道 笑插盈頭西風殘照歸來更向  
東籬繞一彎纖月射林間邀來共把金尊倒

點絳脣

初夏

滿架茶蘼綠陰深處紅於繡清和時候何計消長晝



前調

題落花人獨立圖

閒步銀塘穿徧森森柳池波秀魚吹浪縵無數新荷透  
輕啟菱花蛾眉淡掃青山遠花容月面鬢上雙珠鈿  
悄倚雕欄且把閒愁散春不見落花成片飛過斜陽院

醉花陰

別秀如妹後有懷

睡醒紙窗殘月逗倚枕聽蓮漏長夜苦漫漫一搦腰肢  
祇爲傷離瘦昨宵姊妹同攜手別淚沾羅袖臨去倍

消愁集

卷上

銷魂各自無言各自重回首

巫山一片雲

懷甥女杜穗卿

鬆年風度猶堪記雲鬟挽箇雙了髻我愛左嬌如偷閒  
便讀書天孫今已嫁一別更春夏吟到草堂詩相思  
知不知

踏莎行

茉莉

似雪玲瓏葉敷花秀最宜道暑供清晝暮鐘聲裏蕊蕊齊

開薰風臺榭迎涼候  
離卻炎州風流依舊摘花露濕  
雙羅袖結球拋向枕函邊夢回香氣濃於酒

卜算子

詠蓮

閒步曲欄前到眼新荷密佳種疑從玉井來價定千金  
值不鬪晚霞紅偏共春雲碧花未開時葉已香欲折  
還堪惜

唐多令

蘆花

消愁集

卷上

三

雨霽亂雲收鷓鴣鼓棹游看蘆花開滿汀洲搖曳西風  
如捲雪比柳絮更輕柔沙渚隱聞鷗飄蕭共白頭愛  
楓林影倒溪流絕似潯陽江畔路秋瑟瑟送歸舟

鵲橋仙

桃花

嬉春時節尋芳門巷灼灼緋英齊吐隔溪錦樹簇千重  
蒸遠近紅霞無數遮來遊騎映來人面傾國姿容如  
許枝枝含笑舞東風休錯認仙源歸路

絳都春

榴花

時逢夏五正庭院無人濃陰當戶萬疊綠雲一點紅霞  
丹榴吐金烏漸轉花枝午卻妝點端陽佳節眾芳開後  
紅裙妬煞照來盈樹看取鮮明似火嬾隨彼翠艾共  
簪釵股插向膽瓶搖曳風前添幽趣青蒲三尺差堪伍  
料安石從來多子待他顆顆珠圓儘教細數

西江月

秋海棠

佳種莫珍西府嬌姿獨占秋風明珠鮮露滴花叢卻似  
消愁集

卷上

四

淒涼腸斷淚痕紅唧唧冷蛩吟候牆根試覓幽蹤柔  
枝不許太陽烘也合雲陰乞借護芳容

金縷曲

詠荷

沈水銷金獸正辜簾幽香撲鼻芙蕖舒候水珮風裳原  
自好開到十分明秀看次第碧筒猶透翠蓋亭亭遮不  
斷擁紅裳十里花如繡斑管握畫難就鴛鴦浴處清  
波縹最堪憐池塘道暑綠陰清晝還怕秋風容易起分  
付閒鷗緊守看不足凌波立久誰和田田歌一曲聽涼

蟬嘒嘒鳴高柳坐舩艚採紅藕

東風齊著力

蠟梅

三臘初逢一枝乍吐點綴樓西檀心磬口品格最清奇  
不與羣芳鬪艷凌霜雪獨占芬菲深閨裏曉妝折取釵  
鬢相宜 同姓是南枝也不羨菁蔥綠葉扶持桂芳蘭  
莫一樣費猜疑嚼蠟休嫌無味香含處欲沁詩脾添清  
供蒼松翠柏並歲寒時

慶春澤慢

消愁集

卷上

五

杏花

乳燕飛時小桃開後瓊枝嬈娜臨風帶露含煙江南細  
雨迷濛娟娟不學梅霏雪正續紛宋玉牆東映朝霞碎  
錦離披十里殷紅 天然綽約非凡品是瑤臺仙女偷  
下瑤宮幻作名花枝頭春意敷榮玉樓何處容人醉倩  
兒童指點村中聽聲聲牧笛飛來還繞簾櫳

臨江仙

水仙

山間殘雪初消候文窗嫩日微烘幽香吹度瓦盆中凌

波微步羅襪影玲瓏 莫道歲寒花寂寞梅兄簪弟相  
同不沾雨露自鮮濃銀臺金瓊留取伴三冬

聲聲慢

芙蓉

隨風共麗比蓼逾妍水邊一種花幽初日曛曛猶疑小  
謝詩留秋來眾芳搖落獨逍遙開滿汀洲真可羨看羅  
袞製出穩覆眠鷗 不藉東風噓拂也錦圍翠繞弄影  
澄流傲骨凌霜惟應黃菊同儔誰歟涉江遙采有玉人  
划筒扁舟妾爛漫問妝成新樣可偷

消愁集

卷上

六

滿庭芳

桂花

落月啼烏西風歸雁桂林初逗秋光垂垂金粟綻得滿  
枝芳本是蟾宮異種人間看雪也都黃昂頭處琉璃世  
界樹樹映斜陽 禪心誰悟徹明窗獨坐證木樨香漫  
小山留客浪擲篇章遙想平泉莊裏開樽酒子細評量  
瓊枝好伊誰折取笑看踏槐忙

菩薩蠻

子通第以詞見贈卽和其韻時第應某邑候之

聘

新醅婪尾消長夏一樽分贈休言謝檢韻費吟才新詞  
特賜來 牛刀雖可試跋涉終多事路曲似羊腸重勞  
渡浦陽

附原作

時方盛夏承惠瓜酒並蒙粹甫頌音二甥贈  
筆洵足滌暑遺懷填菩薩蠻錄呈

大姊大人教正並乞

賜和

弟康圻

消愁集

卷上

七

投瓜送酒供消暑瓊瑤莫報吟詩謝咏絮女兄才  
拋磚引玉來 還將新穎試鎮日渾無事用以寫  
衷腸情逾賦渭陽

附和作

子通兄以 仙蕊姊餉瓜及酒填菩薩蠻詞  
致謝 姊有和章余亦繼作錄請

兩方家指正

弟學堅

松窗何計消長夏幸逢咏絮人如謝酬唱鬪清才  
執鞭儂也來 味將甘脆試瓜戰原佳事況有酒

澆腸吶哦到夕陽

臨江仙

庚寅七月泛舟鵲湖

閒雲飛盡冰輪潔銀河倒影波光吹燈坐向小篷窗好  
山環面面明媚正如妝 平林一片渾疑畫櫓聲鶯起  
鴛鴦漁歌和笛弄新腔連天秋水碧可許滌愁腸

附和作

庚寅七月奉和

仙蕊大姊大人月夜泛舟鵲湖臨江仙詞原

消愁集

卷上

八

韻錄呈

晒政

弟康圻

依稀赤壁舟中望波光遠接天光銀河似水照船  
窗牛郎前夕渡織女及時妝 護闌侍奉雙星降  
分明一對鴛鴦時粹甫夫婦從游唱酬不必定誰腔試來  
蘆荻港九曲似迴腸余家近九曲港

庚寅孟秋

仙蕊大姊大人以月夜泛舟鵲湖臨江仙詞

見示填此奉和卽請

拍政

第學堅

小艇瓜皮乘月放櫓聲劃破波光夜深猶自倚篷  
窗峰峰明似畫樹樹艷於妝朱十梅溪今不作  
棹歌誰續鴛鴦輪君一閱補新腔頓台涼世界盡  
洗熱衷腸

浪淘沙

對雪

六出舞長空千里雲同渾疑柳絮捲東風今日青山頭  
也白矍鑠如翁孤客歎飄蓬行路難通梨花片片點

消愁集

卷上

九

青驄惟有消寒人最樂酒綠燈紅

高陽臺

今年逢閏節候較遲黃菊試花已在嶺頭梅破  
時矣

九月風多三秋雨少花開已過重陽步履籬東欣看老  
圃新黃翩翩瘦影無儔侶鷗渚前每殿羣芳況今秋花  
事蹉跎倍費思量羊城歸雁傳芳信時從弟學博筆  
仕粵中甫有書  
至道嶺頭梅萼已掃清香地隔山川偏教同傲嚴霜明  
年整備催花鼓到花時開滿山莊趁佳辰女伴招游相



對飛鶴

南鄉子

孤山雪霽

晴雪噪歸鴉風歛雲輕映晚霞獨上湖樓閒眺望堪誇  
千里瓊瑤一色遮 杯酒泛銀槎呼起逋仙興不賒忽  
覺暗香盈翠袖梅花有鶴歸來翅影斜

浣溪沙

題梅花仕女圖

一本寒梅竹外栽冰姿不畏雪霜開生綃展處暗香來

消愁集

卷上

十

欲到羅浮尋舊夢慵拈針線倚粧臺花綉深淺未安

排

喝火令

和子貞第元韻

鎮日閒無事相逢酒共醺一壺家釀僅沾唇意欲歸來  
問字愧我未攜樽 今夕同酬唱當年舊社人垂髫韻  
事復翻新憶昔庭闈憶昔共晨昏憶昔聯吟度雪積雪

白如銀

度雪齋名

附原作

仙蕊姊招余及兄子通小飲卽席譜喝火令  
詞一闕奉謝  
弟學堅

姊也耽風雅相招酒共醺阿兄涓滴不沾唇只爲  
今宵興好破例倒芳樽子通兄近戒飲彈指青春過

同爲半百人兒時光景尙如新記得開簾記得話  
黃昏記得來青閣外明月爛如銀

附和作

庚寅八月朔

仙蕊大姊招飲時從弟子貞同坐正裁詩奉

消愁集

卷上

十一

謝適子貞先余譜就喝火令詞一闕因和其

韻錄呈

拍政

弟康圻

秉燭乘游興聯吟酒半醺倉毫未竟墨沾唇愧我  
才輸仲氏敏捷對金樽 往事談如乍蹉跎半世  
人間居歲月幾更新漸覺顏皺漸覺目眇昏漸覺  
青絲兩鬢白如銀

青玉案

詠雪

北風怒捲聲如吼響屈戌穿書牖衾鐵稜稜寒到驟映  
簾似月灑窗疑雨未曙光先透 乾坤一夜銀裝就侍  
女晨妝冷纖手笑問金鍼停繡否紅爐獸炭攜來暖閣  
試飲新醅酒

南樓令

踏月

何處散愁衷閒行朗月中露華清飄蕩西風踏遍平橋  
花影路看秋色老梧桐 鴻雁過長空深山響遠鐘翠  
衣寒歸倚熏籠侍女添香言往事腸百結淚沾胸

消愁集

卷上

十三

臨江仙

燈花

月滿簾櫳渾不覺銀臺絳蠟花濃停棋甚欲訴幽衷問  
花花不語閃閃影搖紅 未沾雨露開偏好飛蛾當作  
游蜂酒闌客散畫堂中重門深閉靜零落不因風

醉花陰

螢火

深院桐陰長夏靜雨過天將暝螢火水邊多點點星星  
散入叢篁徑 欲止還飛光掩映羅扇輕輕遮定攜去戲

盛囊故減銀缸試寫南樓台

虞美人

新秋

金甌乍起芙蓉老今歲秋來早蛩聲和雨入深閨又是  
淒清新雁塞邊回一年容易韶華換幾度捐羅扇漫  
開鸞鏡整雲鬟怕見傷秋心事上眉山

賣花聲

月下感懷

消愁集 卷上 三  
溪水蕩澄鮮明月來先樓居自詡比神仙莫怨青山雲

半隔雲斷山連長夜未曾眠獨倚欄前追懷往事淚

如泉記得那時同檢韻分寫鸞牋

菩薩蠻

秋夜望月

窗外新蕉鸞翅拂堦前細草龍鬚密冰影射雕欄蘭堂  
盡捲簾黃昏庭院悄蟋蟀增人惱寶鼎莫焚香風來  
金粟芳

如夢令

心似芭蕉初透人比梅花還瘦夢裏不知愁懽笑依然

如舊知否知否悄掩寒闌時候

清平樂

黃鸝聲巧轉瞬春將老十丈游絲空際裊綰住韶光多  
少梨花滿院幽香池塘綠徧垂楊獨坐畫樓人倦拋  
書午夢偏長

蝶戀花

端午

幾陣薰風翻翠柳序屆天中照眼榴花茂佳節綠何眉  
預縐愁深幾許人知否展卷閒吟消永晝綠虎絨鸞  
消愁集 卷上 十四

無意簪蓬首麝腦龍涎新製就珠簾不捲留香久

十六字令

望大兒赴試未回

閒燈火樓臺人未還風搖竹疑是斂銅銀

清平樂

送春

鶯愁蝶惱柳絮欄邊繞送一年春顏一老春返人難再  
少韶華何太匆忙殘紅飛過迴廊把酒送春無語凝  
心立定斜陽

蝶戀花

梅雨

梅雨飛飛庭宇靜雨未收時日又搖花影天意如人多  
幻境炎涼頃刻渾無定 春去偏嫌清晝永獨對新篁  
辜負瀟湘景濁酒澆愁休便醒醒來只恐愁還賸

疎影

歸徐氏姪女幼芬贈蠟梅一枝譜此謝之

巡檐緩步忽幽芳一縷破空飛渡臘鼓初聞羯鼓遲催  
那得南枝齊吐應知真臘留佳種把多少春心先露問

消愁集

卷上

五

阿誰折取風前供向紙窗明處 可愛湘蘋解事摘黃  
香數朶折柬分與想見蘭閨纖指曾拈相對如親眉嫵  
銀瓶更插闌天竹似琥珀珊瑚交互待甚時移種庭除  
飽看夕陽盈樹

湘春夜月

元宵有懷秀如四妹

慶元宵四鄰鑼鼓時聞怎奈大好韶光偏付與愁人欲  
把此衷閒訴問玉梅花冷可破新春笑小窗獨坐花燈  
爆竹空鬧黃昏 無言脉脉傳柑合節人倍消魂聽雨

樓前余家息誼堂之樓名聽雨樓曾記得此宵邀月歡對芳樽而今

姊妹每悵然雲樹遙分最可歎念君身似燕舊巢寄宿  
依戀誰親存詩香譜卷六小注

### 望江南

香魂去杳渺到蓬萊何處青溪尋小妹杜陵詞句最清

哀昕夕淚盈顚存詩香譜卷六小注

香魂去一事尙堪圖天上人間相見易但教方士覓洪  
都織女會黃姑

### 消愁集

#### 卷上

十六

### 蘇幕遮

#### 花朝

惜芳菲春起早飛盡江梅文杏開多少今日花朝寒尙  
悄不著春衫卻戀吳綿襖存詩香譜卷六小注渡青溪垂柳繞掠水烏衣  
未見堤邊到遙憶家園新笋好爲呪香苞莫便成林老

### 滿江紅

#### 題弄花香滿衣小影

晨粧才罷聽柳外黃鸝低嘯獸環掩嬌紅姹紫棠梨庭  
院堪羨春風如貴客到來便覺繁華滿惹閨中欲繡踏

青鞋慵拈線 攜姊妹尋芳 徧柔荑 滑花枝 挽正揉紅  
摘翠衿 懷香散 更覓玉堦芳 草鬪輸 贏鬢上 雙釵 燕倦  
遨遊 羅袖帶餘芳 歸來玩

滿庭芳

寄子通二弟

淺水拖藍 輕煙蕩碧 鵲湖景物 清妍花明 柳暗 一樣鬪  
芳鮮 山色波光 相映新來 燕飛舞 翩翩斜陽 候漁舟 划  
出多繫 綠楊邊 故鄉山水 好遙知 東浙 應更天然 悵  
程途 脩阻 鯉信 誰傳 料得酒醒 旅館 懷粉社 定有佳篇  
消愁集 卷上 七

睽違久池塘 春草詩思 夢中牽

附和作

久客武城 正深馳念 忽蒙

寄示 滿庭芳一闋 拜讀之餘 不勝感佩 勉和

原韻錄請

致正

弟康圻

四月初交 三春已過 堦前花落 猶妍清和 天氣新  
綠雨 餘鮮俗美 庭無雀角 呢喃語 紫乙 翩翩名 山  
近風流 阮屐千載 溯亭邊 武義明招山舊有  
蠟屐亭爲阮子建 他



鄉知已少孤吟無伴興味蕭然憶吾家道韞妙句  
堪傳且喜郵筒寄到惠我佳篇廻環誦陽春難和  
不覺夢魂牽

滿江紅

不寐感懷

夜色朦朧忽雲破林梢新月蝦鬚捲玻璃窗外茶蘼初  
發綠暗紅稀花漸盡薄寒輕暖春將別聞隔牆吹徹玉  
參差聲清絕 蘭閨靜更籌歇從頭憶人淒切看星橫  
斗轉殘膏明滅一縷柔腸隨處結十分幽恨憑誰說笑  
消愁集 卷上 六  
人生何事苦牽情心偏熱

婆羅門引

庭中海棠一本爲余手植花時輒早起觀之讀  
少陵惜花春起早之句擬繪一圖並填此闕

曉鶯破夢催儂起看海棠紅呼兒先捲簾櫳楊柳稍頭  
殘月香霧濕空濛且雲鬢漫理步屨花叢 愁多意慵  
爲花事興偏濃可許春陰借取替護芳容禁煙時節記  
去年扶病立庭中閒眺望猶怕東風

步蟾宮

登尖山

千峰湧翠凌霄漢聽不斷怒濤風捲藍輿穩坐上層巒  
四圍望銀沙眩眼 天空海濶真堪羨六曲碧欄憑徧  
塔山塘外看潮來宛千尺飛來匹練

長相思

春日登鎮海塔觀潮

蜃氣浮空霓光映彩石塘捍海迢遙軒窻曲折鈴鐸丁  
當浮屠高接雲霄絕頂升猿看門閑龕楮滾滾銀濤日  
盪復神搖倚欄干吼聽蒲牢 正一線雷轟千尋雪滾  
消愁集

卷上

五

飛來鯨浪客堯何須論臍到中秋翹首迎潮興鼓今  
朝登臨處長天沈寥喜狂瀾春間勢更滔滔

鳳銜杯

憶家

從來第妹易分離藉歸甯手足依依一自百齡大母返  
瑤池纔相見便東西 曾記否子規啼憶家園凝望時  
時不是崇山峻嶺路巖崎底事阻歸期

滿江紅

苦熱

火繖高張擬退避炎威三舍最苦是書齋斗大怎消長  
夏薤簾桃笙眠不穩荷塘竹閣涼難借障驕陽面面下  
湘簾渾無罅日杲杲枯禾稼空盼望甘霖下縱園林  
清逸襟懷瀟灑未許手停葵葉扇頻教汗濕香羅帕立  
花前屈指數秋天猶遲也

虞美人

秋夜

一番雨洗炎威盡水閣秋來迅新涼枕簟睡難濃祇爲  
莎雞徹夜絮西風畫屏起倚添銀燭嬾把新詞續傷

消愁集

卷上

三

心憶昔獨無言祇有月痕蕉影似當年

醜奴兒

與九姑話舊

翦燈偶與談衷曲嗚咽無聲淚濕吳綾往事傷心不忍  
聽香燼成灰人未倦重把欄憑憑露滴風清遙望銀河

耿一星

一翦梅

冬至夜作

蘭亭臨罷背銀缸未卸殘粧倦倚匡牀玉鉤雙綰響丁

當風透疏窗月轉迴廊 一年今夜漏偏長醒也淒涼  
睡也淒涼重重恨事聚柔腸新也難忘舊也難忘

消愁集

卷上

五

詞出寒軒重疊柳寒烟淡  
詞出寒軒重疊柳寒烟淡  
詞出寒軒重疊柳寒烟淡  
詞出寒軒重疊柳寒烟淡

消愁集卷下

海昌郭沈蔣英仙蕊著

男翁謹校

謁金門

偶題

花事半山郭酒旗風暖草色青青簾半捲倚樓閒自看  
樓下春波風戰陌上閒花開滿忽有賣花舟近岸鵲  
窗昏不斷

風入松

鐵馬

消愁集

卷下

一

玻璃碎掛近紗窗韻脆勝銀簾深閨獨坐關心聽疑佳  
人暗理明璫試問西風輕過爲誰調叶宮商 綵絲遶  
曳最悠揚深怕入昏黃多情莫入愁人耳助秋聲更斷  
柔腸卻怪丁東送響夜間每在蘭房

金縷曲

壬辰夏子通第歸自武義顧我小齋別後以詞  
見贈填此答之

別久今纔聚好安排流霞滿泛藉談離緒去歲西崦曾  
過訪又是經年間阻問役役風塵何苦此日銜杯增一

慟歎無端季弟歸墟墓

謂子良弟

思往事淚頻注

家貧賣

賦曾何補縱鷓鴣聲聲留客終難留住世事如雲多變

幻隱語尺書寄與

時有某致弟書云武義事已揭曉弟恐其居停左遷乘暑晉省實爲渠所

給勞冒暑河邊行路疑障而今都破卻甚怱怱便向錢

塘渡聊贈別斷腸句

附原作

壬辰夏自武義歸

仙蕊大姊大人招飲偶成金縷曲一闕錄呈

教正

弟康坊

消愁集

卷下

二

離緒長相繫迨過歸剛逢感暑惟知靜憇咫尺西

崦來甚易祇爲炎威可畏拚早起不遑假寐疇昔

鴿原歡叙久歎此來少箇同懷弟

謂子良弟談往事應

酸鼻爲沽美酒添珍味且銜杯放懷縱飲頓消

塊壘一卷新詩供我讀坐對明窻淨几更覺得涼

風時至門外塵囂過午靜聽鳴蟬嘒嘒聲相繼聞

歸去日斜未

漁家傲

游曝書亭

綠蔭林皋天薄暮輕帆轉入梅溪路芳草斜陽迷遠渡  
舟繫樹曝書亭廢苔痕古剝蝕殘碑橫水渚牙籤八  
萬尋何處惟有藤花猶罩戶隨意步鷓鴣似欲留人住

念奴嬌

秋夜感懷

芭蕉展綠正閒庭雨過月明簾隙天氣已涼寒未勁誰  
報菊花消息燈火愁親縹緗懶檢悄地苔階立碧霄如  
鏡夜來庭院清絕回憶昔日團圞駒光如駛此際蹤  
難覓雖共燈前兒女笑方寸幽愁難釋斷續疏砧飄蕭  
消愁集

卷下

落葉并助哀蛩泣無聊獨坐淚痕襟上頻滴

柳梢青

閣筆沈吟無端愁緒苦欲相尋閒數更籌遙聞刁斗淒  
楚難禁時因夷氣某都戎駐札薇山疏窗半面清陰波如鏡愁人  
怕臨鬢減青絲腰寬繡帶總爲傷心

綺羅香

留別秀如妹

翦燭疏窗圍爐暖閣姊妹連宵團聚今夜聯牀陡起蒼  
涼情緒乍相逢無限歡欣將去也更添淒楚最憐君病

骨珊珊算來誰喻此情苦 依人雖似暮燕還望加餐  
努力寒暄調護色相皆空早把世情覺悟莫辜負月夕  
花晨自得了閒情逸趣訂歸期歲尾春頭叮嚀先寄語

前調

寄五妹

月逗蝦簾霜凝鴛瓦離緒被秋鉤起繡幕低垂不管庭  
花如綺因薄病翠帶寬腰思往事羅巾沾淚怕西風故  
故催愁梧桐深院獸環閉 相逢曾有舊約底事歸帆  
欲掛者般迢遞靜候音書望斷溪邊雙鯉難消遺懊惱

消愁集

卷下

四

情懷又辜負嫩寒天氣倚薰籠暗數韶華嬾將鍼線理

浪淘沙

早春閒眺

春日上粧樓冷意初收落梅飛上小簾鉤幾日東風兼  
細雨催綠枝頭 芳草滿汀洲水抱山流魚鱗疊疊浪  
花浮欸乃一聲楊柳外棹過扁舟

南樓令

憶外

欵枕獨無眠傷心問老天欲追隨何處留仙詞賦悲涼



聊託詠淚和墨濕溥牋 茗鼎沸清泉香爇裊篆煙看  
書齋盡似當年惟有相思人不見空夢裏意纏綿

倦尋芳

詠蝶

藥欄小立苔徑低飛饒有風致雨後風前玉板拍來隨  
意葛仙衣莊周夢須知變幻原游戲問春駒甚束圍纔  
徧西園猶未 兒童玩攜來團扇撲上簾旌還墮庭際  
燕紫蜂黃終遜玉奴腰細生小憐香花裏活更貪咽露  
枝頭醉這柔情恐前身莫非羅綺

消愁集

卷下

五

孤鸞

子貞弟屬題嘉興俞筠蕃

國光

撫琴感逝圖

瑤徽珠柱是繡閣遺珍動人愁緒憶昔蘭閨共奏落霞  
疏雨而今玉絃悵斷覓知音蔡姬何處空向畫眉窗下  
把離鸞重譜 聽夜深簷馬聲淒楚似三弄梅花暗香  
飛渡試按宮商綠綺和誰同撫丹青縱能點染展鵝溪  
淚痕先注除卻月兒誰見這年時丰度

山亭宴

和子貞二弟冬日挈眷游西湖元韻

湖光如鏡山如裏儘登臨舟車皆可花柳鬪妍時曾記  
西泠泛舸者番仙眷喜同游又雙槩段橋重過殘雪已  
全消還一望同雲鎖蒼茫煙水西風大看湖心浪花  
掀播時節縱蕭條算蠟履何曾計左白沙堤悔未偕行  
把一闋妙詞空和清夢繞孤山應笑我游惟臥

金縷曲

春愁

春到原無幾奈朝朝雨絲風片惱人天氣刻骨寒深花  
未發誰翦園林似綺待燕子歸來簾底燕子不歸添寂  
消愁集

卷下

六

寘最無聊時近黃昏矣書一卷也無味玉梅解事花  
先試正開來橫斜竹外者般風致紙帳羅浮殊不俗容  
我繡窗小憇又牽惹許多愁思舊淚如珠穿不得更傷  
懷弱弟泉扃啟時六弟病故未久心一點竟如醉

倦尋芳慢

秋日偶成

翠篁弄影珠箔飄涼驅盡殘暑小立虛廊暫把亂愁拋  
去清澗平添新漲碧遙峰淡襯斜陽暮燕翩翩似歸期  
漸近對人無語覽菱鏡忽驚顏改駒影匆匆誰爲留

任只有青山千載黛痕如故  
落木風來砭瘦骨催花雨  
過扶輕步最淒清聽吟蛩豆棚低處

浣溪沙

夏初三首

箔上吳蠶繭未成農家四月費經營  
夕陽陰裏剪桑聲  
紅雨滿山花事盡黃雲遍野麥風清  
遙聞布穀又催耕

熟了櫻桃一樹紅  
昨宵吹到棟花風  
春歸只賸綠陰濃  
蚓笛吟來聲斷續  
鶯梭織罷柳西東  
鞦韆綵索影成

消愁集

卷下

七

空

夢裏如聞細語傳  
誰知鸚鵡學人言  
報儂花落滿庭前  
深恨一春因病誤  
無端萬事被愁牽  
輕輕放過杏花

天

鬢雲鬆合

哭二弟

惜春歸無意緒滿院殘紅歷亂敲窗戶  
宿草悲深予季墓  
仲也何堪又報驕箕去  
猛思量傷雁序  
點點斑斑淚  
漬懷中聚  
最是酸辛梅子雨  
誰料愁人更比梅酸苦

喝火令

中秋夜坐

處處開筵候家家說餅辰草堂酒罷寂無人祇見流螢  
高下風颺過西鄰蠟炬三更燼蛩聲四壁聞回思舊  
日總傷神記得良宵記得月如銀記得琉璃窗外花影  
兩重分

浣溪沙

花朝前一日

莫便迢遙憶舊游且登高閣豁吟眸一林紅杏雨初收  
消愁集

卷下

八

粉蝶花前爭舞態黃鸝柳外嚙歌喉二分春色記從  
頭

蝶戀花

四妹欲歸詞以留之

恰喜君來春未暮才得相逢怎又歌南浦歸去不如聊  
且住勸君莫被啼鶉誤芍藥殿春猶未吐何況人生  
驟把將離賦春不歸時君漫去免將紅豆燈前數

一翦梅

南湖泛月

一舸飄然載月過仰也明河俯也明河新涼天氣樂如  
何衣也輕羅扇也輕羅兩岸秋花點碧波蘋也香多  
菱也香多閒游最好是嘉禾朝也漁歌暮也漁歌

上林春

詠燕

紫燕初歸庭宇畫簾來去呢喃軟語話多時如欲和儂  
住問爾烏衣舊至此時何處裁紅翦綵舞春風管領  
著花千樹

醉花陰

消愁集

卷下

九

三潭映月

月到中秋渾似畫潭影金波縹棹返小瀛洲閨苑瑤臺  
始信人間有火山容水態無窮秀看暮煙凝岫如在畫  
圖中卅里新荷卅里清香透

賣花聲

夜坐

落葉下空庭響隔疏櫺問誰領略此時情窗裏孤燈窗  
外月相對淒清莫把曲欄憑露重寒生閒翻貝葉閱  
金經坐倦欲眠眠不穩一霎深更

臨江仙

紅葉

玉露凝霜寒氣逼  
楓林染就丹砂  
胭脂片片勝春花  
隨風飛不定  
疑蜨撲窗紗  
水郭山林工點綴  
能令杜牧停車翠嵐一角  
襯紅霞  
漫將渠煖酒拾取  
煮清茶

一叢花

雨中游靈隱寺

西湖堤上雨瀟瀟  
游覽興尤豪  
肩輿愛向雲林住  
看飛泉如湧  
波濤閒倚曲欄潺  
浚不絕塵慮一齊消  
飛來

消愁集

卷下

十

靈鷲插青霄  
怪石極岩巖  
雲根忽爾施雕琢  
恨當年狗衲輕遭  
遺憶呼猿有洞松  
下問芻蕘

一翦梅

乙未秋七月十五夜泊鴛湖登煙雨樓作

眺覽山川足自娛  
纔別西湖又泛南湖  
新秋風景畫難如  
海燕歸初江雁來初  
煙雨樓臺映碧渠  
水上精廬水底精廬  
月中吟賞亦方壺  
竹影扶疏花影扶疏

憶漢月

美人風箏用韻篋樓女史韻

瘦骨珊珊無語鎮日御風飛去舞榭應亦號留仙不讓  
趙家嬌女。凌雲欣有路搖曳到碧霄高處姮娥桂窟  
定猜疑忽何處來仙侶

醉花陰

冬夜對雪用易安居士韻

雪霽窗明如白晝綠蠅添新酒風信太輕狂繡幕重重  
猶覺嚴寒透西園吟賞初更後幾點飄蕭久影轉玉  
梅梢倦眼矇矓疑是蟾光漏

黃鐘樂

消愁集

卷下

十一

冬至夜聽雨苦吟

歲寒時節雨瀟瀟檐漏聲聲不斷滴瀝響殘蕉解識紅  
塵情味苦聊將詩句獨推敲斑管難將愁緒消明滅  
銀燈挑盡長至是今宵啼煞荒雞天未曉朔風寒透至  
梅梢

一落索

憶家

轉瞬家園春已暮想將離漸吐一番花信一番風欲玩  
賞偏多阻最憐駒影匆匆去感滄桑幾度那堪兩弟

並重泉忽說起傷心語

浣溪沙

花溪歸棹

澹豔山光似畫屏  
一峰纔過一峰迎  
短篷斜掛晚風輕  
歸路遠迷芳草影  
沿堤時聽嫩鶯聲  
淡黃楊柳送人行

臨江仙

游武原馮氏飴墅園

凹凸奇峰多別透  
假山疑是真  
山藤蘿盤繞  
不知年澄

消愁集

卷下

十一

池剛抱屋老樹欲穿天  
竹閣荷塘楊柳岸  
徜徉處處堪憐  
追思往日曲欄前  
看花飛玉瓊  
玩月擘霞牋

蝶戀花

晚步感懷時海氛不靖

爲看斜陽閒散步  
芳草青青一望迷  
歸路山鳥啁啾啼  
不住倦飛每欲投高樹  
聞道烽煙燕與魯  
玩景遊春此地安如堵  
祇恐兵戈侵樂土  
一腔憂憤憑誰訴

高陽臺

並重泉遊海鹽徐尙書竹隱廬題壁



綠竹干霄清泉瀉瀑勝區髣髴柴桑廼望長安紅塵十  
丈方長主人欲隱偏難隱結園林珂里枌鄉待歸來伯  
仲聯吟醉月飛觴阿儂偶此尋幽勝正黃花開候滿  
徑清香簾捲西風迎人白鶴雙雙登臨更上觀瀾閣望  
銀濤滾滾斜陽記鴻泥譜就新詞題上紅牆

前調

初夏泛棹西湖

綠水初平青巒似裏西湖秀麗天然畫鷁乘來儘教卅  
里迴旋崇祠處處添樓閣映晴光綉幙雕欄望波心萍  
消愁集

卷下

三

葉參差蓮葉翻翻消金鍋本繁華地這六橋三竺迴  
出塵寰鎮日遨遊令人凡慮多捐玉梅縱說開纔過尙  
徜徉處士孤山惱南屏一杵鐘聲催放歸船

迎春樂

四月二十九日武林歸棹留題廡壁

宜晴宜雨西湖道看垂楊踏芳草戀吳山越水愁歸早  
問是月何偏小正此際清和天氣好游覽徧高峰佳  
妙靜聽寒泉泠滌去愁多少

醜奴兒

暮春

尋芳陌上知多少花也容嬌鶯也聲嬌惹得詩人意也  
消採蘭時節天偏妬風也瀟瀟雨也瀟瀟阻得游人  
太寂寥

前調

蘼蕪庭院春將暮  
蝶惜芳菲鶯惜芳菲不住  
穿花不住啼開簾忽見飛紅雨  
繁繞蛛絲繚亂游絲一味留春  
意總癡

念奴嬌

消愁集

卷下

十四

秋柳

韶華一霎又金風  
瑟瑟河梁攜手疏雨涼蟬聲乍咽  
鬢綠暗凋堤柳憔悴千枝  
蕭疏幾樹仍拂行人首  
赤欄橋畔小蠻腰恁消瘦  
惆悵曩日風姿於今換了  
眉眼多非舊  
春夢迷離何處覓湖上輕寒初逗  
紅蓼花邊白蘋香外寂寞閒亭  
堆棲鴉幾點曉風殘月時候

高陽臺

秋夜與弟頰吳杏芬話舊

落落紅塵匆匆白日梁間燕子離巢聽雨聽風梧桐樹

雜芭蕉聲聲偏入愁人耳問何由遣此清宵試商量按  
譜填詞總覺無聊 書窗翦燭重提舊話淒涼予弟淚  
滴生綃曩日生離猶嫌山水迢迢而今况隔幽明路望  
金華空自魂招賸仙琴壁上猶懸玉軫誰調愁華眼而  
慶春澤慢

元宵

雲葉舒晴燈光耀夜良宵景物清佳撚粉傅柑開筵滿  
泛流霞六街人似淮安蟻更紛紛寶馬香車恣嬉游一  
刻千金意興豪奢 夜闌庭院尋幽趣喜暗香疏影乍  
消愁集

卷下

五

吐瓊葩醉折南枝兒童擊鼓傳花人間共慶團圓節正  
青霄初滿蟾華願年年月似今宵照徹家家

虞美人

懷舊

風饗雪虐驚年暮漠漠同雲布無邊落木響蕭蕭鉤起  
離愁夜坐暗魂消 年時大母登臺每晤愁難別而  
今尋夢到堂前依舊含飴繞膝似當年

西江月

詠月

花影瑤臺疊疊柳陰院落重重迴廊香霧轉空濛照我  
琴絃三弄祇爲人眠繡闥恍疑身在瓊宮一輪皓魄  
到天中杯酒邀來相共

前  
垂楊

小  
秋日偶成

秋光已晚正橙黃橘綠菊花初綻好景重重年年吟賞  
閒庭院一杯醺醪斟須滿對殘照晶簾齊捲倚欄千頻  
試吟眸愛冷楓紅半人爲傷秋哀怨只儂愛素秋碧  
空如洗枕簟新涼班姬漫惜捐團扇疏籬靜聽啼蛩換  
消愁集  
卷下  
天

浣溪沙

不寐

夢醒三更事事牽多愁多病悵年年聽殘銀箭悄無言  
小犬吠人方擾睡狸奴捕鼠又驚眠曙光已透碧紗  
前

一叢花

舟泛西湖

西湖佳麗比西施濃淡總宜時波光卅里明於畫翠嵐

擁臺榭參差蘇小墓前划來兩髮垂柳罩絲絲紫駟  
來往踏春泥花氣襲人衣西泠橋畔閒凝伫酒樓外搖  
颺青旗如此勝遊平生第一歸去惹相思

虞美人

病中作

斜陽一角和煙暝獵獵西風冷尋詩懶步月黃昏多病  
身宜深院閉重門書帙亂堆慵摺疊鎮日親爐藥含  
愁默默問蒼穹底事人生強弱不相同

一落索

消愁集

卷下

七

立夏前一日不寐

啼鴉催春聲緊把儂啼醒五更瘦骨強支持徹夜眠難  
穩風信茶蘼猶冷曉窗燈燼雨昏煙暝送殘春誰領  
略消魂景

望江南

元宵

歡宴罷佳節雨初晴雲破月來梅影動雪消風斂竹枝  
輕散步喜心清

浣溪沙

春日重登來青閣

偶返家園叙潤情此間風景憶髫齡登樓聽雨雨初晴  
來青閣在聽雨樓之東  
無復花枝遮繡戶幾曾燕語勸瑤觥閣

名依舊署來青

浪淘沙

飛嵐閣

明媚好秋光山色如粧飛嵐高閣碧雲藏風送鐘聲天  
半落音韻悠揚梵唄出雲堂殿宇輝煌通幽徑曲繞  
禪房香積炊煙凝遠岫淡淡斜陽

消愁集

卷下

六

金縷曲

初冬登煙雨樓

恰好芙蓉吐趁殘秋湖頭掩映數株紅樹十二欄干憑  
略徧面面波光涵聚看來往帆檣飛渡自別西湖纔一  
載又南湖繫櫂看煙雨共吟賞水多處良辰莫便催  
歸去且批紅判白菊花盈路太守風流留翰墨都是清  
詞麗句尙亭子署名來許疑是身居圖畫裏有琅玕萬  
个重重護弄清影滿庭戶

南歌子

清品梅爲侶芳名竹並稱渾疑紅豆種閒庭深愛質珠  
纍纍總娉婷 不畏嚴霜壓何愁凍雪凌渥丹依舊葉  
青青好共歲寒三友插瓷瓶

重 月上海棠金絲雨共朝朝半對和薰葉迴雙

輕寒輕暖清明近看垂楊饒有好風韻棹撥春波過橫  
塘落花風緊鶯簧弄勝境知他肯引 蒲帆十幅前溪  
進愛林巒不雨碧於潤妖冶韶華攜樽對自消煩悶歸

消愁集 卷下 九

舟艤樹杪斜陽淡盡

減字木蘭花

題倦繡圖

誰家庭院嫩綠芳枝遮翠館午夢惺忪春日遲遲花影

重 支頤斜倚金線慵拈渾似醉半捲珠簾葉底雙鴛

補未全

滿江紅

夢醒蘧蘧聽漏盡殘星催曉看蘭缸明滅曙光初照羅

帳半鉤人未起繡簾垂地春寒峭正峻嶒病骨懶憑欄  
深閨悄心緒劣憑誰表思量處因天料正愁來無計  
少言寡笑研墨欲將方寸寫亂絲難理還休道怨罌風  
吹我入塵寰多煩惱

暮春獨坐

細雨霏霏聽百囀黃鶯何巧正曉巢閒坐絕無塵擾古  
帖雙鉤臨古字新箋十樣鈔新稿更時添獸炭博山爐  
香煙裊曲欄外蜂猶鬧紗窗畔燕歸早看落花萬點

消愁集

卷下

三

迷離殘照流水年華容易度綠肥紅瘦春光老只青山  
不改舊崢嶸環溪好曉巢乃西崦草  
堂之東窠也

臨雨垂楊

望永安湖

金牛洞口望翠巒四裏波平浪縹直上鷹窠欽寄石立  
形如獸停車坐傍深林久夕陽裏松濤聲吼登青山還  
望遙山愛數峰依舊又是清明過後偶商略近遊也  
消長晝吟賞煙霞永安湖並西湖秀海門寺外鐘聲逗  
聽瀑布涼生翠袖啼鵲一任催歸頻廻首



滿庭芳

孫霞峰茂才以眠琴綠陰圖屬大兒索題填此

以應

漱石餘風枕流舊澤洛塘隱士孫陽酒尊詩卷逸興寄  
琴廂著作多於鄴架圖書富似曹倉攜焦尾梅花三弄  
古調叶宮商清涼看綠蔭深深淺淺遮掩紅牆儘消  
閒此中真箇仙鄉不是來青院宇無非映雪山莊生綃  
展羨君清福圖畫細端詳

琴廂來青映雪  
皆孫君齋額

月華清

消愁集

卷下

三

重遊西湖

柳映朝霞花含香霧聖湖春色將半畫舫蘭舟樓外樓  
臺亭院憶舊游風雨蕭蕭猶眷戀白蘇堤畔堪玩況今  
來更好春暉晴暖獨上峰頭眺遠望海上濤來布帆  
舒捲雲樹蒼茫水複山重不斷正銷金鍋裏遨遊忽傳  
說夷氛零亂休管且愁懷撇去船娘低喚

金縷曲

謁忠烈廟大兒填滿江紅一闕余以此調和一  
一望西湖路見森森冲霄豪氣鄂王陵墓昔日丹心扶

宗社厯盡艱難險阻問此恨誰堪衮補十二金牌頻徵  
召悵何時痛飲黃龍府成敗事信天數朝廷總爲和  
戎誤最堪憐含冤碧血殺人無故鑄鐵難消奸頑罪汚  
卻堦前寸土三字獄無天堪想手植當時喬柯在到而  
今背向何曾錯名與樹並千古

忠烈廟啓名岳  
王廟見西湖志

附大兒原作

蓋世英雄論功業中途銷歇多只爲豺狼當道寸  
衷憤烈翠柏森森存浩氣丹心耿耿同明月憶年  
時十二召金牌還淒切三字獄誰分雪千古恨

消愁集

卷下

三

難磨滅望山河收拾金甌終缺五國未聞生馬角  
六橋猶自啼鵲血賦招魂祠外暫停驂瞻宮闕

夏初臨

題忻氏梅溪晚眺圖

橋李名區由拳勝地當年遍種梅花巷陌深深而今更  
覺清嘉一溪流水橫斜映殘陽瑞靄明霞長天新霽煙  
波平遠隔岸人家曝書亭畔觀稼樓前興來載酒閒  
去烹茶登高極目雲中幾點歸鴉竹樹交加幾曾將新  
月輕遮景堪誇疑真疑畫好詠蒹葭

浪淘沙

惠力寺題壁

凝望紫薇峯烟鎖雲濃輝煌金碧梵王宮  
一自紅羊遭劫後荆棘蒙茸竟勾到山中  
曲徑幽通盤陀怪石最玲瓏  
百尺危垣猶獨在苔蘚青葱  
相傳惠力寺大雄殿垣當時不日成功若有神助至今殿焚而桓獨存俗名露扉墻

喝火令

元宵前一日偶成

飲酒渾無量栽花儘有閒  
流光虛度一年年祇爲多愁  
消愁集

卷下

五

多病改却昔時顏  
選韻神方倦敲棋指尙寒  
豆宵墮  
意步庭軒恰好雲開恰好月如盤  
恰好橫斜疎影和月上欄干

醉花陰

玉鴨添香扇繡戶嬾向閒  
階步時節又初冬敗葉西風  
轉眼驚年暮  
紅塵碌碌愁中去愁也無從語  
默默黯消魂是暗還明  
更下瀟瀟雨

點絳脣

庚子秋日攜次兒泛棹之江蓬窗靜眺偶譜此

闕

山影圍螺碧波萬頃魚鱗斂楓林如繡染得臙脂透

蘆雪松濤一棹滄江口秋深矣眼前圖畫更勝龍眠手

浪淘沙富夫海取可以只親于山限執容是良制

送女孫作孫于歸曰蘭亭新歡難自莫悲歸

合卷是良宵鼓樂笙簫于歸之子賦桃天依我舍飴常

繞膝回憶垂髫里閉路非遙鸞鳳同巢百年伉儷樂

陶陶謹事翁姑如二老洗手羹調

搗練子

消愁集

卷下

五

欄檻外鼠姑開春晝初長燕昨來鬪州尋芳人意懶閒

聽鳥語立蒼苔

浣溪沙

合卷景憶女孫竹孫

判袂東離菊未殘而今春色已闌珊消魂獨自莫憑欄

盼望歸甯常失約如何咫尺勝千山別時容易見時

難用成

山邊聞樂

闕

附詩

海昌郭沈蔣英仙蕊著

男鹽謹校

舟過臨平

臨平山下盪輕舟無數煙巒悵未游且喜布帆行緩緩  
螺鬟一一遠迎眸

近峰如黛遠如煙水複山重別有天比似西湖真彷彿  
扁舟欲返幾流連

春暮偶成

綠陰無數隔窗紗一半青山卻被遮日暮聲聲啼不斷  
消愁集

卷

黃鸝也似惜殘花

病懷

爲抱微疴怕出行年華浪擲暗心驚慵拈針帚垂簾久  
懶詠詩篇下筆生忽雨忽晴驚蜨夢乍寒乍暖認鶯聲  
日長如歲何消遣一局圍棋待月明

偶成

千言萬語在心頭欲說還兜事事休腸細能容愁幾許  
量寬不厭酒頻謀人情可歎如雲薄世事堪憐似水浮  
幸有窗前山色在倚欄閒看頗清幽

懷二妹

憶君長自在心頭十二珠簾懶上鉤屈指歸纔半月  
渾疑相隔已三秋偶思昔日同歡笑倍覺今朝動別愁  
惆悵何時重聚首共看山色到高樓

玉簪花

不染胭脂只素粧閒庭僻處自芬芳秋來折得一枝好  
當作橫簪插鬢旁

梅雨

斜風驟雨撲窗前一霎涼生翠袖邊此際農家定歡喜

消愁集

卷

水深正是插秧天

來青閣

海棠含露透新紅樓外青山疊幾重爲惜韶光春早起  
俄看花影上簾櫳

悼亡三首

霎時分手斷人腸病裏丁甯更可傷往事回思難獨活  
偷生只爲子成行  
見君消瘦每神驚相對能禁淚暗傾死猶將言慰我  
病堪敷衍卽能生

陳廉卿廣文以凌霄煮茗圖介子貞弟索題

人生本夢幻有時夢若真予季手持卷云是太邱陳太  
邱秋病疴夢悟三生因彷彿入巖谷跋涉苦艱辛俄焉  
遇羽客靄靄若可親指點凌霄殿到來清無塵丹鼎烹  
雀舌玉液芳沾脣顧問滌甌者知爲同儕人乃悟瓊環  
地曾現過去身謫仙人間世忽忽秋復春繪圖徵題句  
作者妙絕倫余豈能高詠含毫強效顰

病中述懷

海棠花落滿堦前庭院深深鎖暮煙愁裏不知春已去

消愁集

卷

三

病中愈覺晝如年自憐對鏡容消粉難禁挑燈淚湧泉  
落落紅塵同一夢幾時參透木樨禪

冬夜

連朝凍雨喜新晴月透窗紗分外明一樹報春花盡吐  
蕭條時節獨敷榮

積雪

短檠難奪雪光明雲吐蟾華半夜更清試向玻璃窗外望  
樓臺多少玉裝成

望月

雲淨風高霜滿天  
劇憐皓月捲珠簾  
消愁且效陶彭澤  
把酒東籬醉菊前

挽姪女小杏

歸甯同泛木蘭舟  
欲別牽衣幾挽留  
誰料風波起平地  
頓令魂魄赴閻浮  
捐軀有藥真堪恨  
續命無湯祇益愁  
倘念夫君癡不了  
九原應爲淚頻流

悼亡

憑欄寂寞對斜陽  
一日追思幾斷腸  
纔去眉頭愁百疊  
又來眼底淚千行  
風光似舊人何在  
淑景如初事暗傷  
消愁集

卷

四

雙山講舍

橫經精舍日初斜  
樓對青山映晚霞  
今歲春寒花較晚  
玉蘭一樹尙含葩

第一處

薄游偶爾泛輕槎  
閣外垂楊尙未遮  
此處看山直第一  
滿浮竹葉賞梅花

七夕

洗車雨過頰成秋  
雲破花梢露月鉤  
巧已年來無意乞



也隨兒女共登樓

偶成

春寒料峭逼林圍  
袖手看書傍短軒  
卻愛輕風真解事  
案頭幾頁替農翻

鄉村

煮繭繰絲事未閒  
一篙新水漲堤邊  
農家此際多辛苦  
割麥完時又插田

冬閨

三冬清景迥非同  
獵獵窗前廣莫風  
傲骨蠟梅花點素  
消愁集

卷

五

虛心天竺子  
含紅寒凝遠岫雲  
如凍日照閒庭雪未融  
靜坐圍爐添活火  
吟成自把硯池烘

餞春

欲餞春歸易斷魂  
中庭把酒近黃昏  
落花飛絮皆無語  
宿雨枝頭是淚痕

新秋偶成

夏盡炎威尚未收  
一番新雨頽成秋  
隔林湧出山頭月  
人在天開圖畫樓

紅葉



家慈幼嗜吟詠于歸

先府君時已積成卷帙故

先府君卻扇詩有詩篇還比  
嫁衣多之句惜經兵燹散佚  
無存嗣以主持內政擱筆綦  
久歲丙戌

先府君捐館舍

家慈哀毀之餘厭棄塵俗為  
遣愁計復理翰墨然詩不多  
作而時以長短句自娛鑿操  
翰侍側隨得隨錄今年  
家慈古稀預祝謹以所錄編

次成集付諸剞劂聊當洗腆  
之慶詞後附詩一卷僅二十  
餘首而已光緒三十四年戊  
申端陽前一日男鑒謹識

申敬題前一日男鑒謹識

翁首函已失謝三十四年戊

申慶附詩附錄一卷僅二十

次成集付諸剞劂聊當洗腆



编号

册数 1

售价 0.80



